



Broj: 16-12-16-3594- /25
I. Sarajevo, 01.07. 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 30.06.2025. godine, na preporuku Komisije za nabavke za potrebe Državne agencije za istrage i zaštitu u 2025. godinu broj 16-12-16-3594/25 od 01.07.2025. godine, u postupku javne nabavke kompjuterskog materijala - tonera i kertridža za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke kompjuterskog materijala - tonera i kertridža za potrebe Državne agencije za istrage i zaštitu

Član 1.

U postupku javne nabavke kompjuterskog materijala - tonera i kertridža za potrebe Državne agencije za istrage i zaštitu (daljem tekstu: Agencija), putem konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2025. godinu broj 16-12-16-3594/25 od 01.07.2025. godine, okvirni sporazum na period od dvije godine, dodjeljuje se ponuđaču „ALF-OM“ d.o.o. Banja Luka, ponuda broj 16-12-16-3594-4/25 od 13.06.2025. godine, za ponudenu cijenu u iznosu od 25.500,00 KM bez uračunatog PDV-a, umanjenu nakon rezultata e-aukcije.

Član 2.

(1) Ponuđač „ALF-OM“ d.o.o. Banja Luka, obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Odluka stupa na snagu danom donošenja.

O b r a z l o ž e n j e

Odlukom broj 16-12-16-3594-1/25 od 19.05.2025. godine pokrenut je postupak javne nabavke kompjuterskog materijala - tonera i kertridža za potrebe Agencije, na period od dvije godine, procijenjene vrijednosti 43.500,00 KM bez uračunatog PDV-a, za koji je obavještenje o javnoj nabavci broj 1161-7-1-124-3-55/25 objavljeno na Portalu javnih nabavki od 03.06.2025. godine i u „Službenom glasniku BiH“, broj 34/25 od 09.06.2025. godine. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period april-juni 2025. godine, broj 05-02-2-2225-1/25 od 24.03.2025. godine i Dokumenta okvirnog budžeta 2025. - 2027. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 16.06.2025. godine do 13:00 sati, te da se ponude dostavljaju u zatvorenoj koverti, Komisija je dana 16.06.2025. godine u 14:00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno su dostavljene četiri ponude i to:

R/B	Naziv ponuđača	Ukupna cijena iz tehničke specifikacije u KM bez uračunatog PDV-a
1.	„ALF-OM“ d.o.o. Banja Luka	43.253,60
2.	„DEFTER“ d.o.o. Sarajevo	43.312,70
3.	„ELKOM“ d.o.o. Vitez	40.706,90
4.	„AERO-EXCLUSIVE“ d.o.o. Sarajevo	43.218,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponude ponuđača „ALF-OM“ d.o.o. Banja Luka, „DEFTER“ d.o.o. Sarajevo, „ELKOM“ d.o.o. Vitez i „AERO-EXCLUSIVE“ d.o.o. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je od Odsjeka za informatiku, komunikacije i sigurnost informatičkih Sistema, Sektora za operativnu podršku aktom broj 16-12-16-3594/25 od 17.06.2025. godine, tražila da na osnovu uvida u ponude ponuđača „ALF-OM“ d.o.o. Banja Luka, „DEFTER“ d.o.o. Sarajevo, „ELKOM“ d.o.o. Vitez i „AERO-EXCLUSIVE“ d.o.o. Sarajevo dostave stručno mišljenje u pogledu ocjene tehničkih uslova postavljenih u Konkurentskom zahtjevu. Aktom broj 16-12-16-3594/25 od 24.06.2025. godine Odsjek za informatiku, komunikacije i sigurnost informatičkih Sistema, Sektora za operativnu podršku dostavio je stručno mišljenje, u kojem je navedeno da uzorci kompjuterskog materijala - tonera i kertridža koji su dostavljeni od strane navedenih ponuđača odgovaraju potrebama Agencije odnosno ispunjavaju tehničke uslove postavljene u Konkurentskom zahtjevu.

U skladu sa članom 17. st. (1) i (3) Uputstva za primjenu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je aktom broj 16-12-16-3594-9/25 od 19.06.2025. godine od ponuđača „AERO-EXCLUSIVE“ d.o.o. Sarajevo zatražila prihvatanje ispravke greške računске prirode, iz razloga što je utvrdila da je u Tehničkoj specifikaciji tonera došlo do računске greške, a što se odrazilo na ukupnu cijenu ponude bez uračunatog PDV-a, tako da ponuda ponuđača „AERO-EXCLUSIVE“ d.o.o. Sarajevo u Obrascu za cijenu ponude tonera i kertridža umjesto 43.218,00 KM, treba da iznosi 43.200,00 KM bez uračunatog PDV-a. Ponuđač „AERO-EXCLUSIVE“ d.o.o. Sarajevo dostavio je odgovor akt od 19.06.2025. godine, u kojem je navedeno da ukupna cijena u Obrascu za cijenu ponude tonera i kertridža iznosi 43.218,00 KM bez uračunatog PDV-a, međutim u stavci po rednim brojem 23. Tehničke specifikacije tonera došlo je do permutacije brojeva, tako da umjesto 1.813,34 KM, treba da stoji 1.831,34 KM, a što se odrazilo na ukupnu cijenu ponude.

Imajući u vidu naprijed navedeno, Komisija je prihvatila odgovor ponuđača „AERO-EXCLUSIVE“ d.o.o. Sarajevo, te utvrdila ukupna cijena u Obrascu za cijenu ponude tonera i kertridža iznosi 43.218,00 KM bez uračunatog PDV-a.

Obzirom da je Konkurentskim zahtjevom za postupak javne nabavke kompjuterskog materijala - tonera i kertridža za potrebe Agencije predviđeno provođenje e-aukcije u skladu sa Pravilnikom, da su dostavljenе četiri prihvatljive ponude, Komisija je zakazala e-aukciju za dan 30.06.2025. godine u 11:00 h u trajanju od 20 minuta, na kojoj su učestvovali slijedeći ponuđači i to:

- a) „ALF-OM“ d.o.o. Banja Luka, ponuđena cijena bez uračunatog PDV-a u iznosu od 43.253,60 KM;
- b) „DEFTER“ d.o.o. Sarajevo, ponuđena cijena bez uračunatog PDV-a u iznosu od 43.312,70 KM;
- c) „ELKOM“ d.o.o. Vitez, ponuđena cijena bez uračunatog PDV-a u iznosu od 40.706,90 KM;
- d) „AERO-EXCLUSIVE“ d.o.o. Sarajevo, ponuđena cijena bez uračunatog PDV-a u iznosu od 43.218,00 KM.

Prema Izvještaju o toku i završetku e-aukcije od 30.06.2025. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Ponuđena cijena bez uračunatog PDV-a	Umanjenje cijene	Rang
1.	„ALF-OM“ d.o.o. Banja Luka	25.500,00	41,05 %	1
2.	„ELKOM“ d.o.o. Vitez	25.590,00	37,14 %	2
3.	„DEFTER“ d.o.o. Sarajevo	28.180,00	34,94 %	3
4.	„AERO-EXCLUSIVE“ d.o.o. Sarajevo	39.200,00	9,3 %	4

Shodno Izvještaju o toku i završetku e-aukcije od 30.06.2025. godine, Komisija je utvrdila da je bilo snižavanje cijena ponuda kao kriterij za dodjelu okvirnog sporazuma u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je nakon provedenog postupka ocjenjivanja dostavljenih ponuda, utvrdila da je ponuda ponuđača „ALF-OM“ d.o.o. Banja Luka ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od dvije godine u postupku javne nabavke kompjuterskog materijala - tonera i kertridža za potrebe Agencije, dodijeli ponuđaču „ALF-OM“ d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Danko Čulum